

蜀事紀略

蜀

事

紀

略

蜀事紀略 一冊

北京市中國書店印刷

北京市新華書店發行

定價十元

蜀事紀略序



蜀三面濱夷用武之國也泰寧日
久軍政徒空籍而惟是二三么麼
狎為前驅漸狎漸驕漸不可問養
癰而潰勢所固然知者見於未萌
業已殺官殺士擅治兵相攻罔兩

窮奇豈其屬厭而當事者百無一

備不便開端蜀又甚厭兵即播州

之後猶謂貪功建南鵬剿久格不

賞若言奢氏父子反誰其信者醞

釀至於今日草菅數百萬灰燼數

千里川四已三幾成烏有實洪荒

以來未有之奇禍而後知小忠之
為大賊小省之為大費即噬臍何
及矣不意無備兵家所諱空拳枵
腹措置寔難方為墨又為輸方閩
於穴中又格於徼外方以為虎而
難於櫻又以為兔而易於脫蓋自

發難以來西則都、卜昏東則楊
保舊黎水西諸夷勁後羿子黑苗
衝前而又兼以越圍從逆之徒不
可復返其室廬率出死力逆我顏
行今之一局固曩之十餘局也從
建武轉遵義三面而環夷穴二千

餘里之遙無處不可闌出赤白之
羽一刻數至東馳西奔有同湯沸
越兩年而始稍息肩是皆

皇上神武如霆斯掃山川社稷咸式
靈之文武諸吏因緣風雲遂得勉
效區區若余庸陋曾無尺寸之補

禍本尚存鄰氛未熄方日夜救過
不暇其敢列之紀載以為披覽者
辱顧語有之前事之不忘後事之
程也亡羊補牢勢宜加甚今同事
漸以星散稱說或多偏枯寢久寢
湮無論無以定黑白而前車之無

戒綢繆謂何余身在事中頗諳情
實故為敘其梗槩要以寧漏毋飾
矢之白日知與罪通不計矣

天啓四年八月吉日

欽差總督四川兼制湖廣荊岳鄖襄
陝西漢中等府軍務策應緩急督

理糧餉兼巡撫四川等處地方都
察院右都御史兼兵部左侍郎朱
燮元書

再引

西南諸夷狡詭殘毒無所不至而
其實惛然井蛙也獨逆寅傲睨阻
深薄視一世技能謀略迥出儔伍
諸亡藉皆蟻附而樂爲之死若有
物焉憑之以恣其惡者自辛酉九

月發難蜀將士與之大小數百戰
越癸亥仲冬掃清酋穴寅乃重繭
而走隣夷在蜀亦可草結一局矣
不意甲子乙丑兩春黔事並裂非
不悉索敝賦竭蹙從事顧各戰一
方相距千里安能及也酋既無聊

專事縱橫之策諸夷謂其敢戰倚
爲前茅眈馬樹連鷄而挑吠犬
意未嘗忘蘭也窟穴旣深踪跡靡
定偶以用購得其內應一日死于
亂刀之下西南禍本于是乎絕此
皆

聖天子威靈震盪百神護之假手近
習師武臣何力之有邇者奴酋狂
逞文武諸將士饒有方略大創而
遁東西二捷俱在王正數日內信
天所以贊

中興之烈也錄以志慶焉

天啓六年三月吉日變元再書

